

第四冊第三課看卡通學閩南語
——激頭殼劇本〈公園〉

口白：豆仔佻九仔透早綴阿母去公園運動。

九仔：阿母，你小等一下啦。

豆仔：七早八早，日頭猶未出來呢。

阿母：你看毋著月啦，日頭佇遐啦。

豆仔：是喔。

九仔：阿母，你來看，你看，花咧流目屎。

豆仔：毋是啦，彼是露水。

九仔：我是講露水敢若是花的目屎。

阿母：哎唷，阮九仔有夠勢講話啦。

豆仔：恁看，月娘猶未歇睏呢。

九仔：阿兄，拜託的！彼是路燈啦。

阿母：你是昨暝睏無飽喔？

豆仔：原來毋是月娘喔。

口白：阿滿嬪仔行過來，伊看起來心情真好，那行那唱歌。

阿滿嬪：火車行到……

九仔：勢早，阿滿嬪仔！

豆仔：阿滿嬪，勢早！

阿滿嬪：哎唷，是豆仔佻九仔喔。

阿母：你嘛來公園運動喔。

阿滿嬪：是啊。

九仔：阿滿嬪仔的衫有虹呢，足嬪的。

阿母：有影都著。

阿滿嬪：我就是看著虹才買的啦。

豆仔：昨昏毋是有落雨，雨一下停，我就看著虹呢。

九仔：誠實的喔。

阿母：著，我嘛有看著。

九仔：按呢今仔日虹敢會閣出現？

阿滿嬪：虹毋是喝來就來。

豆仔：虹愛落雨了閣出日頭才會出現啦。

九仔：按呢希望今仔日會落雨。

阿母：你這個囡仔喔.....

丸仔：阿兄你看天頂的雲白拋拋。

豆仔：親像饅頭。

阿母：你腹肚枵矣喔？

阿滿孀：豆仔實在足古錐的，小等咧啥，阿滿孀仔請你食早頓。

豆仔：誠實的喔！多謝阿滿孀。

（雄雄一陣風吹過來）

阿母：哪會雄雄起風啦？

阿滿孀：風真透呢。

（一片樹葉仔飛去豆仔的面頭前，害伊雄雄看無路煞去拚著樹仔。）

豆仔：哎哟喂啊。

丸仔：阿兄！

阿母：你敢有要緊？

豆仔：無要緊。

（一个無細膩，豆仔又閣跣倒。）

丸仔：阿兄！

阿母：豆仔！

阿滿孀：豆仔，有按怎無啥？

豆仔：無要緊，我的目睷前出現足濟天星的呢！